



Ազդարարության Trumpet's Sound փող

53-րդ ՏԱՐԻ, ՎԿԱՏՐԱԼԻԱ
ՀՈԼԻՒ - ՕԳՈՆՏՈՒ 2022





Հայ Ավելարանական Եղբայրների Եկեղեցի
ARMENIAN EVANGELICAL BRETHREN CHURCH

BI MONTHLY CHRISTIAN PUBLICATION
PUBLISHED BY THE
ARMENIAN EVANGELICAL BRETHREN CHURCH
112 SAILORS BAY ROAD, NORTHBIDGE,
NSW 2063 Australia

PASTOR HRATSH KIUJIAN
ARMENIAN EVANGELICAL BRETHREN CHURCH
PO BOX 1593, CHATSWOOD NSW 2057
email: pastor@armenianbrethren.org
URL: www.acmaust.org

«ԱԶԴԱՌԱՐՈՒԹՅԱՆ ՓՈՂ» երկամսյա թերքը Սիդնեյի Հայ Ավելարանական Եղբայրների Եկեղեցու հրատարակությունն է: Պատասխանատու խմբագիր՝ հովիվ Հրաչ Գույնեցյան:

Այս թերքը անվճար բաժանվում է հայրենիքում: Ցանկացողները կարող են դիմել նշված հասցենով:

ԲՈՎԱՆԴԱԿՈՒԹՅՈՒՆ

Արդյոք հյուրասե՞ր եք.....Հովիվ Հրաչ Գույնեցյան

Հիսուսին ԲնետնելՔաղված

Հիվանդանոցի պատուհանըՔաղված

Առանց արյուն թափելու թողովքուն չկա.....Քաղված

Բարի համբավՆերսես Պոյաճյան

Թասերի դատաստանն ու Բարեկոնի ամկումը (3)QMBC պանորամա

ՏիտանիկըՈւրս Տիրլավ

Հնագանդվե՞լ, թե՞ չհնագանդվելՎեր. Հովսեփ Հովսեփյան

Մի՛ սիրեք աշխարհըՎարդան Սարգիսյան

Մովսեսի անհաջողություններըԴուն Սթորմը

Արդյոք հյուրասե՞ր եք

«Սրբերի կարիքներին հաղո՛րդ եղեք, հյուրասիրությանը հետևե՛ք» (Հռոմ. 12:13):

Աստված քաջալերում է մեզ՝ հյուրասիրությամբ ծառայել ամեն օր:

«Մի՛ մոռացեք հյուրասեր լինել, որովհետև դրա շնորհիվ ոմանք առանց իմանալու իրեշտակներ հյուրընկալեցին» (Երր. 13:2):

«Միմյանց հյուրասիրե՛ք առանց տրտնջալու» (Ա. Պետ. 4:9):

Ես սիրում եմ այս համարները, որոնք խրախուսում են մեզ հյուրասեր լինել: Բարի սամարացին ամեն ինչ արեց՝ խեղճ վիրավորին օգնելու համար:

«Հաջորդ օրը, երբ մեկնելու էր, երկու դահեկան հանեց ու տվեց իջևանատիրոջն ու ասաց նրան. «Խնամի՛ր դրան և ինչ որ ավել ծախս անես, վերադարձիս կվճարեմ քեզ»»:

Որքա՞ն արժե հյուրասեր լինելը.

- 1. Գումար:** Հաճախ մեր պատճառաբանությունը ծախսն է: Այն՝ երբեմն ինչ-որ մեկին վկայելու համար գումար պետք է ծախսենք. բայց մոռանում ենք, որ Տերն ապահովում է մեր բոլոր կարիքները: Անապաշխար մարդկանց ընթրիքի հրավիրելով՝ կարող ենք հող պատրաստել Քրիստոսի սիրո մասին պատմելու համար: Աստված մեր սրտերում որքա՞ն մեծ ուրախություն է դնում, երբ նրանք ընդունում են Հիսուսին՝ որպես Փրկչի: Այդ ժամանակ ծախսը ոչինչ է թվում կորած հոգիների փրկության համեմատ:
- 2. Ժամանակ:** Ժամանակ գտեք հյուրասիրություն ցուցաբերելու համար: Շաբաթական 168 ժամ ունենք. երկու ժամով ընկերոջ տուն հրավիրելը գուցե կյանքեր փոխի, վերքեր բուժի, մխիթարություն և ուրախություն պատճառի: Արդյո՞ք պատրաստ եք ձեր ժամանակը տրամադրելու ինչ-որ մեկին դեպի Քրիստոսը առաջնորդելու համար:

3. Զանք: Այս՝ մենք շատ ջանք ենք գործադրում կյանքում շատ քանի համար, բայց հյուրընկալ լինելու համար ջանք գործադրելը մի բան է, որ Աստված ուզում է տեսնել հավատացյալների մեջ: Տերը կօրինի ձեր ջանքը և համապատասխանաբար կհատուցի ձեզ:

Նախքան ձեր ընկերներին հրավիրելը աղոթե՛ք ու Տիրոջից իմաստություն խննդրեք: Աղոթե՛ք, որ օրինություն դառնաք նրանց համար, և նրանք՝ ձեզ համար, զգո՞յշ եղեք և համոզվա՛ծ եղեք, որ զրոյցը բամբասանքի չի վերածվի, այլ Տերը կփառավորվի այդ ամենի մեջ:

Սի օր ես և տիկինս հրավիրված էինք: Երբ հասանք այնտեղ, տեսանք հրավիրված ուրիշ ընկերներ ես: Ես սովորաբար աղոթում եմ, որ Տերը վերահսկի մեր խոսակցությունը, և որ մենք փառք բերենք Իրեն: Եվ ահա թե ինչ եղավ ավարտին: Աստվածաշնչից մի հատված կարդացինք, աղոթեցինք, և զրոյցը Աստծո Խոսքի շուրջ ընթացավ: Բոլոր ներկաները օրինվեցին, և Աստված փառավորվեց: Բոլորս տնից դուրս եկանք միսիքարված և օրինված:

Ե՞րբ եք վերջին անգամ ձեր ընկերներին ընթրիքի հրավիրել:

Հ. Գ.

Հիսուսին հետևել

Մի տիկին հովվին մոտեցավ՝ ասելով.

- Ես այլևս եկեղեցի չեմ հաճախելու:

Հովվիվը հարցրեց.

- Կարո՞ղ եմ արդյոք պատճառը հասկանալ:

Տիկինը պատասխանեց.

- Պաշտամունքի ժամանակ տեսնում եմ, որ մարդիկ մտնում են իրենց բջջային հեռախոսների մեջ, ոմանք բամբասում են, ոմանք պարզապես քրիստոնեական կյանքով չեն ապրում... Բոլորն էլ կեղծավոր են:

Հովհիվը մի պահ լուռ մնաց և ապա շարունակեց՝ ասելով.

- Շատ լավ... բայց կարո՞ղ եմ ձեզնից մի բան խնդրել նախքան վերջ-նական որոշում կայացնելը:

Նա ասաց.

- Իսկ ի՞նչ եք ուզում, որ անեմ:

Հովհիվը ասաց.

- Մեկ բաժակ ջուր վերցրեք և երկու անգամ շրջե՛ք եկեղեցու մեջ՝ առանց ջուրը հատակին թափելու:

Նա ասաց.

- Այո՛, ես կարող եմ դա անել:

Որոշ ժամանակ անց տիկինը վերադարձավ և ասաց, թե առաջադրանքը կատարված է:

Հովհիվը նրան երեք հարց տվեց.

- Ինչ-որ մեկին տեսա՞ք հեռախոսի մեջ մտած:

- Ինչ-որ մեկին տեսա՞ք բամբասանքով զբաղված:

- Ինչ-որ մեկին տեսա՞ք, որ քրիստոնեական սխալ կյանքով է ապրում:

Նա ասաց.

- Ես ոչինչ չտեսա, քանի որ կենտրոնացած էի այս բաժակի վրա, որպեսզի ջուրը չթափվի:

Հովհիվը պատասխանեց.

- Երբ եկեղեցի եք գալիս, պետք է նույնքան կենտրոնացած լինեք Աստծոն վրա, որպեսզի չընկնեք: Ահա թե ինչո՞ւ Հիսուսն ասաց՝ «Հետևիք Ինձ»: Նա չասաց՝ քրիստոնյաներին հետևիք: Թույլ մի՛ տվեք, որ Աստծոն հետ ձեր հարաբերությունները սահմանվեն ուրիշների՝ Աստծոն հետ ունեցած հարաբերություններով: Մտածե՛ք, թե որքանո՞վ եք կենտրոնացած Աստծոն վրա:

«Հիսուսին նայելով՝ մեր հավատի Հեղինակին ու Կատարողին» (Երք. 12:2):

Հիվանդանոցի պատուհանը

Երկու լուրջ հիվանդներ հիվանդանոցի նույն սենյակում էին պառկած: Նրանցից մեկը, օրական մեկ ժամ նստում էր մահճակալին, որպեսզի բռների մեջի հեղուկը դատարկվի: Մյուս մարդը պետք է ամբողջ օրը մեջքի վրա պառկեր: Երկուսով ժամերով խոսում էին իրար հետ: Նրանք պատմում էին իրենց ընտանիքների, գործերի, բանակում իրենց ունեցած ծառայության և արձակուրդի ժամանակ այցելած վայրերի մասին:

Ամեն կեսօրից հետո պատուհանի մոտ պառկած հիվանդը, երբ նստում էր, իր ժամանակն անցկացնում էր սենեկակցին նկարագրելով այն ամենը, ինչ տեսնում էր պատուհանից դուրս: Մյուս անկողնում պառկած մարդը, երբ լսում էր այս բաները, շատ էր ուրախանում:

Նստած հիվանդը պատմում էր, որ պատուհանը մի հանրային պարտեզի էր նայում, ուր գեղեցիկ լճակ կար: Բադերը և սագերը ջրում լողում էին, փոքրիկները նավակներով խաղում էին: Սիրահարները թև թևի մտած զրունում էին գունագեղ ծաղիկների շուրջ, իսկ հեռվում երևում էր քաղաքի գեղեցիկ հեռանկարը:

Այս ամեն մանրամասնությունները լսելու ժամանակ մյուս անկողնում գտնվող մարդը աչքերը փակում էր՝ երևակայորեն տեսնելու այդ զմայլելի տեսարանները:

Սի տաք օր նա նկարագրեց անցնող մի նվազախմբի: Թեև մյուս հիվանդը չէր լսում նվազախմբին, բայց մտովին տեսնում էր այն ամենը, ինչ բարեկամը բացատրում էր բառերով:

Օրեր և շաբաթներ անցան, և առավոտյան, երբ հիվանդապահութին զուր բերեց հիվանդներին, պատուհանին կից գտնվող մահճակալի վրա տեսավ հիվանդի անշնչացած մարմինը: Մարդը խաղաղությամբ մահացել էր քնի մեջ: Բուժքույրը տխրեց և խնդրեց հատուկ աշխատակիցներին, որ վերցնեն տանեն դիակը:

Բաց շրողնելով հարմար ժամանակը՝ մյուս մարդը խնդրեց, որ իրեն պատուիանի մոտի անկողնու վրա փոխադրեն: Հիվանդապահուին ուրախությամբ կատարեց փոխանակումը և հիվանդին տեղավորելուց հետո նրան առանձին թողեց: Այն ժամանակ հիվանդը զգուշությամբ ցավող մարմնով արմունկի վրա հենվեց և առաջին ակնարկը նետեց դրսի իրական աշխարհին: Նա դժվարությամբ դեմքը շրջեց՝ պատուիանից դուրս նայելու: Բայց ի՞նչ տեսնի . դատարկ մի պատ:

Շատ զարմանքով հարցրեց բուժքրոջը, թե արդյոք ի՞նչն էր ստիպել իր մահացած սենեկակցին, որ այդպիսի հրաշալի բաներ նկարագրի: Հիվանդապահուին էլ զարմանքով պատասխանեց, թե այդ մարդը աչքազուրկ էր և նույնիսկ պատը չէր կարող տեսնել: Ուստի նա եզրակացրեց՝ ասելով. «Հավանաբար նա ուզում էր քեզ ուրախ պահել և քաջալերել»:

«Ուրեմն, եթե դուք կատարում եք արքայական օրենքը, ինչպես որ Գրքում է գրված, թե՝ «Դրացուդ պետք է սիրես քո անձի պես», լավ եք անում»» (Հակ. 2:8):

Քաղված՝ «Ավետարեր ձիթենին» գրքից

* * *

«Եղբայրնե՛րս, այդ բոլորը ուրախություն համարեցե՛ք,
Երբ այլևայլ փորձությունների մեջ ընկնեք,
Իմանալով, թե ձեր հավատի փորձությունը
Համբերություն է առաջացնում:

Սակայն համբերությունը թող կատարյալ արդյունք ունենա,
որպեսզի կատարյալ և ամբողջական լինեք և ոչ մի բանի
պակասություն չունենաք:

Իսկ եթե ձեզանից մեկը իմաստության պակասություն ունենա,
թող խնդրի Աստծուց, որ բոլորին տալիս է առասորեն
և չի հանդիմանում, ու նրան կտրվի»:

Հակ. 1:2-5

«Առանց արյուն թափելու թողություն չկա»

Երբ. 9:22

Միգուցել հարցրել եք ինքներդ ձեզ, թե իմշու են քրիստոնյաները հասուկ նշանակություն տալիս արյանը: Արյան և մահվան մասին միտքը վանողական է շատերի համար, նրանց համար, ովքեր համարում են, որ հավատքը պետք է երջանկացնի և ավելի գրավիչ մի քան առաջարկի մարդկանց:

Աստված շատ գրավիչ առաջարկներ է տալիս՝ հավիտենական կյանք, սեր, ժառանգություն Երկնքում, նաև ուրախություն և խաղաղություն հիմա և հավիտենականության մեջ:

Սակայն յուրաքանչյուր մարդու և Աստծո միջև գոյություն ունի դարերից եկած խնդիր, որը պետք է լուծվի. դա մեղքի խնդիրն է: Եթե ուզում ենք կարգավորել մեր փոխիհարաբերությունն Աստծո հետ, պետք է գիտակցենք, որ մեր ամբողջ կյանքը ծանրաբեռնված է մեղքով: Մենք մեղավորներ ենք, դրա համար էլ մեղանչում ենք: Յուրաքանչյուր մեղք պահանջում է աստվածային արդարադատություն, քանի որ «մեղքի վարձը մաս է» (Հոռմ. 6:23):

Ահա այստեղ է բարձրանում արյան հարցը: Արյունը կյանք է նշանակում. այն հոգու խորհրդապատկերն է: Չանի որ մենք կորցրինք կյանքը, մեզ համար պետք է թափվեր կատարյալ, անմեղ զոհի արյուն: Դա է պահանջում Աստծո սրբությունը: Ուրիշ որևէ ճանապարհով փրկություն ստանալի անհնար է: Այդ զոհը եղավ Հիսուս Քրիստոսը՝ Աստծո միածին Որդին: Նրա արյունը թափվեց Գողգոթայի խաչի վրա, որպեսզի Նրա արյան միջոցով իրագործված քավությունով հավատացները կարողանան ստանալ մեղքերի մերում և հավիտենական կյանք: Հավատալով՝ նրանք կվայելեն Աստծո օրինությունների հարստությունը՝ լինելով Նրա զավակները և ունենալով Նրա սերը: Նրանց անվտանգությունը հիմնված է Հիսուս Քրիստոսի արյան վրա:

Քաղված

Բարի համբավ

Մարկ. 14:3-9

Մարկ. 14:3-9 համարները խոսում են մի կնոջ մասին, որ Հիսուսի գլուխ վրա պատվական յուղ թափեց: Սիմոնի տան մեջ գրտնը վարդության շատերը դժոխի էին այդ յուղի կորուստի համար և հանդիմանում էին կնոջը՝ ասելով, որ նրա ծախսը կարող էր աղքատներին տրվեր: Սակայն Հիսուսն ասաց, որ բողնեն այդ կնոջը, որովհետև նա բարի գործ էր անում:

Այս համարները կարդալիս նշմարեցի, որ Աստծո գորության ներգործությամբ համբավ ունենալու համար երեք գործնական պայման կա.

1. Ունենալ ներքին առաքինություն, որ Աստծուց է տրվում մեզ:
2. Կիրառել մեր ունեցածը:
3. Խոնարհ մնալ համբավ ունենալուց հետո:

Երբ հետևենք այս կնոջ օրինակին, նախ և առաջ կնկատենք, որ նա անհատական ծառայություն է արել: Նա մարդ չուղարկեց, որ Հիսուսին ծառայի, այլ անձամբ գնաց Հիսուսին ծառայելու: Ուրեմն երբ ծառայություն անելու լինես, ներկայացուցիչ մի՛ փնտրիր: Անձամբ ներկայացրու Քրիստոսին:

Երբ հետևենք այս կնոջ օրինակին, երկրորդը աչքի կընկնի նյութը: Երբ ծառայելու լինես, քո ունեցածից ինչ-որ բան ես տալու: Այս կինը իր ունեցածը տվեց: Կիսաքափանցիկ մարմարե շշի մեջ շատ թանկարժեք օճանելիք ուներ, որ Հիսուսի համար օգտագործեց, և Հիսուսն ընդունեց այն: Հիսուսն ընդունում է այն, ինչ ունես: Մոտեցի՛ր Նրան այնպիսին, ինչպիսին կաս:

Երրորդը աչքի է ընկնում հանրային վկայությունը: Ինչպե՞ս կիրառենք այն, ինչ ունենք: Հանրային վկայությունով: Հաճախ եղել ենք այնպիսի վայրերում, որտեղ առիթ ենք ունեցել Տիրոջը ներկայացնելու, սակայն դժբախտաբար լուր ենք մնացել: Երբ հոգևոր ընտանիքում լինենք, բնական ենք գտնում Տիրոջ մասին բաժնեկցելը, բայց

կարևոր է, որ դա անենք մեր հոգևոր շրջանակից դուրս նույնապես: Այս կինը չամաշեց և զալով բոլորի առջև՝ այդ ծառայությունը կամ վկայությունը արեց: Հիսուսն ընդունեց այդ ծառայությունը և խոստացավ, որ մինչև մեր օրը այդ կինը պիտի հիշվի: Սա բարի համբավ է:

Այս պատմության մեջ երկու բարի համբավ ունեցող տիպարներ ունենք՝ Հիսուսը և կինը: Ինչպե՞ս Հիսուսը բարի համբավ ուներ: Նախ Նա Աստծուց և մարդկանցից ստացած Իր շնորհը իր սրտում պահելով անցավ. սա ներքին առարինություն է (Ղուկ. 2:52): Երկրորդը՝ Նա խիստ ժամանակում սկսեց կիրառել դա: Երբ Հիսուսը 30 տարեկան եղավ, գործի լծվեց: Սուրբ Խոսքն ասում է, որ Նա շրջում էր՝ բարիք անելով և Աստծո Խոսքը քարոզելով: Մեր ներքին առարինությունը ինչպե՞ս կարող ենք ի գործ դնել: Հիսուսի նման գործի լծվելով և կատարելով: Երրորդ՝ Հիսուսը դարձավ խոնարհության տիպար մեզ համար՝ շնայած որ Ինքն Աստված էր և Իրենից բարձրը չկար: Մենք պետք է խոնարհվենք, որովհետև Աստված մեզանից շատ բարձր է: Մեզ սազական չէ հպարտությունը, որովհետև միայն Նա է արժանի ամեն փառքի և պատվի:

Սուրբ Հոգին Պողոս առաքյալի միջոցով մեզ շատ կարևոր խորհուրդ է տալիս: Բ Կորնթ. 10:17-18 համարներն ասում են. «Բայց նա, ով պարծենում է, թող Տիրոջով պարծենա, քանի որ հավանության արժանացողը նա չէ, որ ինքն իրեն է գովարանում, այլ՝ նա, ում Տերն է գովում»: Թող Աստված քեզ ներկայացնի, Աստծո ներկայացուցիչը եղիր: Թույլ մի՛ տուր, որ ուրիշը, քո առջևից գնալով, քեզ ներկայացնի, որովհետև խոնարհությունն հպարտության կվերածվի: Ամենամեծ մեղքը, որ Արուայակը գործեց՝ սատանայի վերածվելն էր իր հպարտության պատճառով:

Ի՞նչ է «բարի համբավ» հասկացողությունը: Այդ սքանչելի ինչք է: Առակ. 22:1-ում կարդում ենք. «Բարի անունը (համբավը) նախընտրելի է, քան մեծ հարստությունը, և շնորհքը՝ քան արծաթն ու ոսկին»: Ուրեմն ներքին առարինությունը ինչք է: Համբավը պատվի վրա է հիմնված: Բ Կորնթ. 8:18-24-ում ուրիշ օրինակ ենք կարդում եղբոր բարի համբավի մասին: Նաև Դամ. 6:4-ում կարդում ենք, որ

շարերը ատում են բարի համբավը. «Հրամանատարներն ու կուսակալները կառավարության վերաբերյալ հարցերում մի առիթ էին փորձում գտնել Դանիելի դեմ, բայց ոչ մի դեպք կամ սխալ չկարողացան գտնել, որովհետև հավատարիմ էր, ու ոչ մի սխալ կամ հանցանք չգտնվեց նրա վրա»:

Կան նաև «համբավներ», որոնք Աստծուց չեն և վճասներ են հասցնում:

Ա. Տիեզերական գովասանքը: Ղուկ. 6:26-ում Հիսուսն ասաց. «Վա՝ ձեզ, երբ բոլոր մարդիկ լավ խոսեն ձեր մասին, քանի որ այդպես էին անում նրանց հայրերը սուտ մարզաբներին»:

Բ. Փաղաքշական խոսքերը: Պետք է հեռու մնալ նրանցից, ովքեր կեղծ զգում են ձեզ: Հոռո. 16:18. «Որովհետև այդպիսիները մեր Տեր Հիսուս Քրիստոսին չեն ծառայում, այլ՝ իրենց որովայնին: Եվ քաղցր խոսքերով ու գովեստներով խարում են պարզամիտների սրբաւերը»:

Գ. Աշխարհային ընկերակցությունը: Հակ. 4:4-ում գրված է. «Ով ուզում է աշխարհի բարեկամը լինել, իրեն դարձնում է Աստծո թշնամի»:

Դ. Անհոգության առարկա դառնալը: Երբ Աստվածային համբավ չէ ունեցած համբավի, Գաղ. 2:6-ում գրված է. «Բայց նրանք, ովքեր երևելիներ էին համարվում, (թե ինչպիսիք էին նրանք, իմ գործը չէ, Աստված մարդկանց մեջ աշառություն չի դնում), այն մեծ համարվողները իմ ասածին ոչինչ չավելացրին»: Պողոս առաքյալն ուզում է ասել, թե այդ երևելիների ասածները Ավետարանի ճշմարտությանը հակառակ էին և իրենց մասին մեծ կարծիք ունեին: Ոչ աստվածային համբավներ են սրանք, և Աստված այսպիսի բաներից զգում է:

Հիսուսը բարի գործեր արեց, որպեսզի պատիվը Աստծուն ուղղվի: Մաքուր կենցաղ ունեցավ, որովհետև Աստծո ներկայացուցիչն էր և խոնարի կյանք ապրեց:

Ուզո՞ւմ ես բարի համբավի տեր դառնալ, ուզո՞ւմ ես քո պատճառվ Տիրոջ անունը փառավորվի և ոչ թե հայինվի: Ուրեմն պետք է լինես խոնարի, պատրաստակամ, հոժարակամ Տիրոջ կողմից գոր-

ծածվելու համար: Ինչպես Հայր Աստված գործածեց Քրիստոսին, Սուրբ Հոգին էլ Իր Խոսքի միջոցով գործածեց այս կնոջը, որպեսզի մեզ համար օրինակ լինի:

Ներսես Եղբ. Պոյաճյան



Տասը պատվիրաններից այն կողմ

- Սի՛ մտահոգվիր... մտահոգվելը ապարդյուն է (Սաղ. 55:22, Փիլ. 4:6-7):
- Սի՛ վախեցիր... քո վախերից շատերը չեն իրականանալու (Բ Տիմ. 1:7):
- Երբ որևէ հարցի առջև լինես, այդ ժամանակ մտածիր դրա մասին (Մատթ. 6:34, Հակ. 4:13-15):
- Օրը օրին ապրիր և քեող կրի՛ր (Մատթ. 6:34, Հակ. 4:13-15):
- Հանգիստ քնի՛ր – խնդիրներդ անկողին մի՛ տար (Եփես. 4:26-27, Կող. 3:8-10):
- Աշխարհի դժվարությունները կրել մի՛ ջանա (Հոռմ. 14:12):
- Լավ լսող եղի՛ր... ուրիշների ասածին ուշադրություն դարձրու (Հակ. 1:19-20):
- Երեկվա մասին մի՛ մտածիր... այս օրը ապրիր և ուրախ եղիր (Սաղ. 118:24, Բ Կորնթ. 5:17):
- Դժգոհության հոգին մարի՛ր, ինքդ քեզ մի՛ խղճա (Սաղ. 42:11):
- Ամեն օր օրինություններդ թվարկիր (Սաղ. 103:1-5):

Քաղված՝ «Ավետարեր ձիթենին» գրքից

Թասերի դատաստանն ու Բարելոնի անկումը (3)

4.1 Աստծո բարկության չորրորդ թասը

«Չորրորդ հրեշտակն իր թասը արևի վրա դատարկեց. ու նրան զուրբյուն տրվեց, որ մարդկանց խորշակահար անի կրակով» (Հայտ. 16:8):

Մենք արդեն տեսանք, որ երրորդ թասի դատաստանը մարդկանց կզրկի քաղցրահամ ջրից: Եվ հիմսա 4-րդ թասի դատաստանը մարդկանց խորշակահար է անելու: Առանց քաղցրահամ ջրի՝ մարդիկ պարզապես չեն կարողանալու զովանալ:

Կարելի է ակնկալել, որ մարդիկ Աստծո դատաստանները փորձառելուց հետո կապաշխարեն և Նրանից ողորմություն կհայցեն, բայց ոչ. «Նրանք անիծեցին Աստծո անունը, ով վերահսկում էր այս պատուհանները, սակայն նրանք հրաժարվեցին ապաշխարել և փառաբանել նրան» (Հայտ. 16:9):

4.2 Աստծո բարկության հինգերրորդ թասը

«Հինգերրորդ հրեշտակն իր թասը գազանի աթոռի վրա դատարկեց, ու նրա թագավորությունը խավարեց, և ցավից իրենց լեզուներն էին ծամծում» (Հայտ. 16:10, հմնտ. Հայտ. 8:12, 9:1-5, Ելիշ 10:21-29): Մովսեսի օրոք խավարի պատուհասը երեք օր տևեց: Դա լիակատար խավար էր, խավար, որը կարելի էր զգալ: Այն, ինչ մենք նկարագրել ենք այստեղ հինգերրորդ թասի դատաստանի առնչությամբ, շատ ավելի վատ կիննի, քան Եգիպտոսի պատուհասը, և շատ ավելի վատ, քան հինգերրորդ փողի դատաստանը, որտեղ խավարն առաջացել էր ծխից:

Գրված է, որ 5-րդ թասը թափվում է գազանի աթոռի, այսինքն՝ վերածնված Հռոմեական կայսրության կենտրոնի վրա: Ավելի վաղ նրանք, ովքեր երկրպագեցին սատանային ու գազանին, Աստծուն փորձեցին՝ հարցնելով. «Ո՞վ կա այս գազանին նման, և ո՞վ է, որ կա-

բող է դրա դեմ պատերազմել» հարցը (Հայտ. 13:4): Նրանք այժմ ունեն իրենց պատասխանը. ողջ կայսրությունը նետված է խավարի և քառսի մեջ: Կրկին կարդում ենք, որ նրանք դեռ չեն ապաշխարի: «Յավից իրենց լեզուներն էին ծամծնում ու երկնքի Աստծուն հայ- հոյեցին իրենց ցավերի և իրենց պալարների պատճառով, և իրենց գործերից չապաշխարեցին» (Հայտ. 16:10-11): Այս ամենը որոշ չա- փով պատկերում է, թե ինչ է լինելու կրակի լճում մի վայր, որը բնու- թագրվում է խավարով, լացով և ատամների կրծոցով (հմմտ. Մատթ. 25:30, Ղուկ. 16:22-25):

4.3 Աստծո բարկության վեցերորդ բասր

«Վեցերորդ իրեշտակն իր բասր մեծ գետի՝ Եփրատի վրա դա- տարկեց, և նրա ջրերը ցամաքեցին, որպեսզի Արևելքի բազավորնե- րի ճանապարհը պատրաստվի» (Հայտ. 16:12, հմմտ. Հայտ. 9:13-15):

Եփրատ գետը կարևոր գետ է աստվածաշնչյան պատմության և մարդարենությունների մեջ: Դա այն չորս գետերից մեկն էր, որոնք հոսում էին Եղեմի պարտեզից (Ծննդ. 2:10-14): Այն հաճախ ծառայել է որպես բաժանարար գիծ արևելքի և արևմուտքի միջև, և վերջնա- կան ընդլայնված Իսրայելը կտարածվի Եզիպտոսի հովիտից մինչև Եփրատ գետը: Սակայն վեցերորդ բասի դատաստանը կվերացնի այս բաժանարար գիծը, այնպես որ արևելքի բազավորներն իրենց իրուսակներով ազատ անցում կունենան դեպի Իսրայելի երկիր:

Նկատեք, որ այս իրուսակները հեթանոսներից կլինեն: Հատկանշա- կան է, որ 1961թ.-ին Զինաստանի զինված աշխարհազորայինները գնահատվում էին 200 միլիոն: Իսրայելի ժողովուրդը կվերադառնա հիմնականում արևմուտքից, հյուսիսից և հարավից, և նրանցից ո- մանց նման ձևով կտրվի ազատ անցում, ոչ թե Եփրատով. այլ Նե- ղոս գետով (տե՛ս Ես. 11:15-16):

Հայտ. 16:13-14-ից սովորում ենք, որ սատանան երկու գազաննե- րին (սատանայից ներշնչված խիստ չար մարդիկ) կօգտագործի իր կամքը կատարելու համար, և այս երեքից դուրս կգան գորտերի պես չար ոգիներ, որոնք իրաշքներ կգործեն, և կգան ամբողջ աշխարհի թագավորների մոտ՝ համոզելով նրանց զնալ Իսրայելի դեմ մեծ ճա- կատամարտի՝ Արմագեդոնի ճակատամարտի (Հայտ. 16:16):

Սատանան կարծես թե չի գիտակցում, որ ինքը գործիք է ամենակարող Աստծո ձեռքում: Նրա գաղափարն է հավաքել աշխարհի բոլոր բանակները՝ Խրայելին ջախջախելու և վերջին փորձով Զրիստոսին հաղթելու ու աշխարհն իրեն Ենթարկելու համար: Սակայն սաղմոսերզուի խոսքերով ասած՝ «Երկնքում գահակալը ծիծառում է: Տեր Եհովան ծաղրում է նրանց... ասելով. «Իմ Թագավորը իմ սուրբ բլիի Սիոնի վրա եմ դրել»» (Սաղ. 2:4-6):

Տեսիլքի այս կետում Տեր Հիսուսն ասում է. «Ահա ես գալիս եմ զո՞յի պես: Երանի նրան, ով արքուն է մնում և իր զգեստները պահում է իր մոտ, որպեսզի նա մերկ չմնա և ամորիսած չհայտնվի» (Հայտ. 16:15): Այստեղ Տեր Հիսուսը մեզ ասում է, թե ինչպես է Ինքը գալու: Այդ վերջին օրերում ճշմարիտ հավատացյալների համար որքա՞ն կարևոր է մարուր ու Քրիստոսին նվիրված մնալը և ոչ մի կերպ սատանայի ծրագրերից չազդվելը: Ինչպես Պողոս առաքյալն է գրում՝ ասելով. «Տիրոց օրը կգա, ինչպես զոյի գիշերը: Սինչ մարդիկ ասում են՝ «Խաղաղություն և ապահովություն», նրանց վրա հանկարծակի կործանում կգա...» (Ա Թես. 5:2-3): Եվ մեզ համար, որ ճշմարիտ հավատացյալներ ենք այսօր, նույնքան կարևոր են, որ պատվենք Տիրոջը մեր ապրելակերպով և այդախոսվ լավ վկայություն լինենք շրջապատի համար:

4.4 Աստծո բարկության յոթերորդ թասը

«Յոթերորդ հրեշտակը իր թասը դատարկեց օդի մեջ, ու երկնքի տաճարից, գահից մի ուժգին ճայն հնչեց՝ ասելով. «Եղավ»» (Հայտ. 16:17): Իսկ Հայտ. 15:1-ում կարդում ենք. «... Նրանց միջոցով էր ավարտվում Աստծո բարկությունը»: Սա մեզ վառ կերպով հիշեցնում է այն խոսքերը, որոնք Հիսուսն ասաց, երբ խաչի վրա էր. «Կատարվեց» (Հովի. 19:30): Այնտեղ Նա հայտարարում էր, որ փրկվածներ մեծ գործն ավարտված են, բայց այժմ գահից բարձր ճայնը հայտարարում է, որ ավարտված է Աստծո բարկությունը զգջացող աշխարհի վրա:

12-րդ գլխից սովորեցինք, որ Մեծ նեղության կեսին սատանան կվտարվի երկնքից: Այժմ մենք իմանում ենք, որ նա օդից դուրս է շպրտվելու, որտեղ եղել էր իշխան (Եփես. 2:2), և շուտով կիմանանք,

որ նա կնետվի անդունդը և 1000 տարով կփակվի (Հայտ. 12:9, 20:2-3):

Հինգերորդ թասը թափվեց գազանի աքոռի վրա, իսկ յոթերորդ թասը թափվեց կարծես սատանայի աքոռի վրա: Այլև նա գնալու տեղ չի ունենա: Նրան կրոնի հրեշտակը և կնետի անդունդի մեջ:

Յոթերորդ թասով թարձր ձայն է լսվում, որն ասում է. «Եղավ»: Աստծո բարկությունն ավարտված է, և հաջորդ համարները որոշակի նկարագրում են, թե ինչպես է այն իրագործվում: Ազգում կլինի մեծ երկրաշարժ, այնպիսին, որի նմանը դեռևս մարդկանց երկրի վրա գտնվելուց ի վեր չէր եղել: Այն այնքան ահարկու կլինի, որ երեք մասի կրածանի մեծ քաղաքը ու կործանի ազգերի քաղաքները: Ամբողջ աշխարհում ավերածություններ կլինեն: Այն ամենը, ինչ մարդը զարգացրել է իր հպարտության, ամբարտավանության և Աստծուն անհնազանդության մեջ (պատկերված է որպես Մեծ Բարելոն, որի կենտրոնը Հռոմն է), կկործանվի՝ ճանապարհ նախապատրաստելու Նրա համար, ում իրավունքն է քագավորել ամբողջ երկրի վրա (Զար. 14:9):

Ոչ միայն հզոր երկրաշարժ կլինի, այլև սարսափելի կարկուտ՝ յուրաքանչյուրը մոտ 50 կգ կշռող կարկտաքարերով: Եվ այնուամենայնիվ, այս ամենը մարդկանց չի բերի ապաշխարության. նրանք կհայ-հոյեն Աստծուն կարկուտի պատճառով:

Պետք է նշել, որ կան մի քանի տեսակետներ, թե ինչ են նշանակում այս և հաջորդ գլուխներում նշված տարրեր եզրույթները: Օրինակ՝ 19-րդ համարի մեծ քաղաքը, ոմանց կողմից մատնանշվում է որպես Բարելոնը: Հայտ. 11:8-ում «մեծ քաղաք» արտահայտությունը հստակորեն վերաբերում է Երուսաղեմին, բայց այստեղ Հայտ. 16:19-ում խելամիտ է թվում «մեծ քաղաքը» հասկանալ որպես Հռոմ: Այնուեւն կարդում ենք, որ «ազգերի քաղաքները կործանվեցին», և դա ներառում է Բարելոնը:

Ոմանք սովորեցնում են, որ Բարելոնը վերաբերում է Հռոմին՝ յոթ գլուխներով քաղաքին (Հայտ. 17:9), իսկ ոմանք էլ սովորեցնում են, որ դա վերաբերում է Իբրաքի Բարելոն քաղաքին: Սակայն կարդում ենք. «Ո՛վ ՏԵՐ, Դու խոսեցիր այս տեղի մասին, որ այն ոչնչացնես, որ դրանում բնակվող չինի՝ մարդուց մինչև անասուն, այլ հավիտյան ավերակ լինի»: Եվ թող լինի, եթք վերջացնես այս գրքի ընթերցումը,

մի քար կապես դրան ու Եփրատի մեջ զցես՝ ասելով. «Այսպես պիտի ընկղմվի Բարելոնը և այլս չի բարձրանալու այն շարիքի հետևանքով, որ Ես թերելու եմ նրա վրա, և նրանք պիտի մաշվեն»: Երեմիայի խոսքերը մինչև այստեղ են» (Երեմ. 51:62-64): Մենք հավատում ենք, որ Տեր Եհովան դա կատարեց Պարսկաստանի Կյուրոս թագավորի միջոցով, և հետևաբար Եզրակացնում ենք, որ Բարելոնը հատուկ կերպով վերաբերում է Հռոմին:

QMBC պանորամա
(շարունակելի)

Տիտանիկը

Արդյո՞ք դիտել եք «Տիտանիկ» ֆիլմը: Ինձ գրավել էր, այսպես կոչված, չխորտակվող նավի և դրանով ճանապարհորդող մարդկանց պատմությունը: Ֆիլմում հատկապես մի տեսարան կար, որը շեմ կարողանում մոռանալ. Ատլանտյան օվկիանոսում կեսգիշեր է: Ծովը կատարյալ համգիստ է: Աստղերը փայլում են դաժան, ցուրտ գիշերվա մեջ: «Տիտանիկը» ամբողջ հզորությամբ առաջ է ընթանում, շնայած որ նավապետին զգուշացրել էին սաոցալեռների մասին: Սա պարզապես ծովային ճամփորդություն չէր, այն նաև էգոյի ճամփորդություն: Երբ դիտորդ-նավաստիները նկատեցին իրենց առջև գլունը սաոցալեռը, շարժիների աշխատանքը հակադարձեցին, և դեկը շրջեցին: Քայլ հսկայական նավը շրջելու համար ժամանակ էր պահանջվում: Սառեցնող լրություն և անհանգստություն էր տիրում, քանի որ նավը շարունակում էր ընթանալ սեփական արագությամբ դեպի վերամբարձ սաոցալեռը: Թանկարժեք վայրկյաններն անցնում էին, երբ անձնակազմը սարսափած հայացքով հետևում էր՝ մտածելով, թե արդյոք դեկը ժամանակին կշրջի նավը՝ բախումից խուսափելու համար: Ղեկը, որը չափազանց փոքր էր հսկայական նավի համեմատ, կամաց-կամաց նավի ուղղությունը թերեց, սակայն «Տիտանիկը» չկարողացավ բավական արագ փոխել ուղղությունը: Սաոցալեռը բախվեց նավի մի կողմին՝ մեծ ճեղք առաջացնելով, ինչի

արդյունքում ուղևորների և անձնակազմի մեծ մասը մահացան: Նավը, որի մասին մարդիկ պնդում էին, թե նույնիսկ Աստված չի կարող խորտակել, անցավ Ատլանտյան օվկիանոսի հատակը:

Ես չեմ ուզում հոռեսեսի տպավորություն քողնել, բայց իրական իրադարձության այս ցեցող վերստեղծումը ստիպեց ինձ լավ մտածել մեր՝ որպես անհատների կամ եկեղեցիների՝ անհրաժեշտության պարագայում ուղղությունը շուտ փոխելու ունակության մասին: Հետաքրքրական է, թե որքան հաճախ ենք դժկամություն դրսեորում փոխվելու հանդեպ՝ զուտ մարդկային էղոյի պատճառով: ‘Դժվար է խոստովանել, որ այն, ինչ մինչև այս պահը արել ենք, այլևս տեղին չէ: Գուցե մենք չենք կարող բավական արագ ուղղությունը փոխել՝ անցյալում ստեղծած արագության (թափի) և «միշտ այսպես ենք արել» պատճառաբանության պատճառով: Որոշ եկեղեցիներ խորտակվեցին, քանի որ չկարողացան բավական արագ փոխել իրենց ուղղությունը, երբ ակնհայտորեն անհրաժեշտ էր դա, կամ, ինչպես «Տիտանիկը», շատ ուշ փոխեցին: Ինչպես նաև աստիճան-դիտորդների խումբը, որոնց գործն էր անընդհատ առաջ նայելը, պարզապես չունեին հեռուն տեսնելու ունակությունը:

Եկեք խորարափանց լինենք. երբեմն թվացյալ հավատարմությունը ոչ այլ ինչ է, քան անձկունություն ու նորի կամ տարբերի հանդեպ վախ: Աստվածաշունչը շատ հստակ ընդգծում է, թե որոնք են անսակարկելի ծշմարտությունները, բայց մեզ նաև տրված է այդ ամենը ներկայացնելու և կիրառելու մեծ ձկունություն:

Քրիստոսը ծառայության սկզբնական շրջանում սովորեցնում էր ժողովարանների ավանդական միջավայրում: Ժամանակի ընթացքում Նա մերժվեց հուդայական իշխանությունների կողմից: Քրիստոսը ժողովարաններում այլևս ողջունելի չէր: Նա նոր միջոցներ գտավ: Նա սկսեց սովորեցնել դաշտերում, շուկաներում և նույնիսկ նավակի մեջ: Երբ փոփոխություն մտցնելը խթանում էր Նրա աշխատանքի առաջխաղացմանը, Նա երբեք չէր վարանում:

Զոն Ուեսլին սկզբում սարսափեց, երբ Զորջ Ուայթֆիլդը իրեն գրեց՝ առաջարկելով բաց երկնքի տակ քարոզել: Ուեսլին գրեց. «Հոգիների փրկությունը գուցե մեղք սեպեի, եթե եկեղեցու պատերից ներս չի-

Աներ»: Փոփոխության պատրաստակամությունը կարևոր գործոն էր նրա կյանքի ու ծառայության աճի համար: Այն նոյնքան կարևոր է մեզ համար: Փոփոխությունները տարօրինակ են թվում, բայց միշտ այդպես է, եթե սկսում ենք այլ կերպ գործել:

Ի՞նչ փոփոխությունների է հրավիրում Աստված մեզ այս պահին մեր անձնական և եկեղեցական կյանքում: Պատասխանի առաջին քայլը նշված է Հայտնության գրքի 7 եկեղեցիներին ուղղված նամակներից յուրաքանչյուրում. «Ով ականջ ունի, թո՞ղ լսի, թե Հոգին եկեղեցիներին ինչ է ասում» (Հայտ. 2:7): Ի՞նչ է ասում Հոգին Իր Խոսքի միջոցով այս պահին: Փոփոխության մասին մտածելիս մեծ հարցը, որը պետք է տանք ոչ թե «Արդյո՞ք մենք միշտ այսպես ենք արել» հարցն է, այլ «Արդյո՞ք Աստված է առաջնորդողը»:

Եթե Աստված է առաջնորդողը, ուրեմն վախենալու ոչինչ չկա:

Ուրեմն Տիրակ



1. Որդի՛ս, ուշադրությո՛ւն դարձրու իմ՝ իմաստությանը, ականջդ խոնարհի՛ր իմ՝ խորըմքոնմանը,
2. որպեսզի խոհեմությունը կարողանաս գնահատել, ու շուրժերդ գիտություն պահեն:
3. Քանի որ օտար կնոջ շուրժերից խորիսի մեղք է կաթում, ու նրա բերանը յուղից էլ փափուկ է.
4. բայց նրա վախճանն օշինդրի պես դառն է, երկսայրի սրի պես հատու:
5. Նրա ոտքերը դեպի մահն են տանում, ու նրա քայլերը դժոխքում են կանգ առնում,
6. որ հանկարծ կյանքի շավդի մասին չխորհես. նրա ուղիները փոփոխական են, այնպես որ չես կարող դրանք ճանաչել:

Առակաց 5:1-6

Հնազանդվել, թե՞ չհնազանդվել

Ղուկ. 6:46-49

«Եվ ինչո՞ւ եք ինձ «Տեր,Տեր» կոչում և չեք անում այն, որ ասում եմ» (Ղուկ. 6:46):

Լավ հարց է, այնպես չէ՞: «Տեր» բառը նշանակում է նաև ղեկավար: Այդ ղեկավում Հիսուսը պետք է ամբողջությամբ ղեկավարի մեր կյանքը: Մենք Նրան ենք պատկանում և պետք է անենք այն, ինչ Նա է ասում:

Արդյո՞ք ես ու դու հենց դա էլ անում ենք. դժվար հարց է, այնպես չէ՞: Եթե Հիսուսին Տեր ենք անվանում, բայց չենք հնազանդվում Նրան, ապա հակասություն է ստեղծվում: Նրան միայն որպես Տեր լնդունելը բավական չէ: Աստծո հանդեպ ունեցած ճշմարիտ սերն ու հավատը հնազանդություն են պահանջում:

Գերմանիայի Լյուբեկ քաղաքի մայր տաճարում փորագրված են հետևյալ խոսքերը.

- Այսպես է ասում մեր Տեր Քրիստոսը.
- Դուք Ինձ Տեր եք անվանում ու չեք հնազանդվում Ինձ,
- Դուք Ինձ լոյս եք անվանում ու չեք տեսնում Ինձ,
- Դուք Ինձ ճանապարհ եք անվանում ու չեք քայլում դրանով,
- Դուք Ինձ կյանք եք անվանում ու չեք ապրում այն,
- Դուք Ինձ իմաստուն եք անվանում ու չեք հետևում Ինձ,
- Դուք Ինձ ազնիվ եք անվանում ու չեք սիրում Ինձ,
- Դուք Ինձ հարուստ եք անվանում ու ոչինչ չեք խնդրում,
- Դուք Ինձ հավիտենական եք անվանում ու Ինձ չեք տեսնում,
- Եթե Ես դատապարտեմ ձեզ, Ինձ չմեղադրեք:

Հիսուսին ամենաշատը վշտացնում էր կեղծավորությունը: Նա կրոնական կեղծավոր առաջնորդներին ասում է. «Վա՞յ ձեզ՝ դպիրներ և փարիսեցիներ՝ կեղծավորներ, որ մաքրում եք բաժակի և պնակի դրախ

կողմը, բայց ներսանց լիքն եք հափշտակությունով և անիրավությունով» (Մատթ. 23:25):

Իր հետևորդներին Նա ասում է. «Ոչ թե ինձ ամեն «Տե՛ր, Տե՛ր» ասողը կմտնի երկնքի արքայությունը, այլ Նա, ով կատարում է Իմ Հոր կամքը, որ երկնքում է» (Մատթ. 7:21):

Այս շատ կարևոր ճշմարտությունը մարդկանց հասանելի դարձնելու համար Հիսուսը պատմեց տուն կառուցող երկու մարդկանց մասին պատմությունը (Մատթ. 7:24-27):

Այդ մարդկանցից առաջինն իմաստուն է: Իմաստուն է նա, ով մոտենում է Քրիստոսին՝ փրկությանը, հնազանդվում է, լսում նրա խոսքերը և կիրառում: Այդպիսի մարդն իր կյանքը կառուցում է աստվածաշնչյան սկզբունքներով: Դա է կյանք կառուցելու ճիշտ ձևը: Եթե կյանքի ջրհեղեղներն ու քամիները հարվածեն, այդ տունն ամուր կմնա, որովհետև կառուցված է վեմի՝ Քրիստոսի ու Նրա ուսմունքի վրա:

Մյուս մարդն անմիտ է: Անմիտ է նա, ով լսում է Աստծո խոսքերը, բայց չի հետևում դրանց և չի հնազանդվում: Նա իր կյանքը կառուցում է իր պատկերացրած լավագույն հիմքի վրա՝ հետևելով աշխարհիկ սկզբունքներին: Եթե կյանքի փոքրիկներն ոժգնանան, նրա տունը, որն ամուր հիմք չունի, կփլվի և հավիտյան կկորչի:

Դատաստանի օրը, եթե մարդիկ կանգնեն Քրիստոսի առաջ, շատերը նրան կիշեցնեն, որ իրենք եղել են կրոնավոր, եկեղեցիների ակտիվ անդամներ: Նրանք կրվարկեն իրենց գործած հրաշքները և կպատմեն, թե ինչպես են մարգարեացել ու Հիսուսի անունով դևեր հանել: Սակայն նրանց բողոքներն ու աղերսները ապարդյուն կլինեն: Հիսուսը պարզապես նրանց կասի. «Ես ձեզ բնավ չեմ ճանաչում, հեռո՞ւ գնացեք ինձանից, չարագործնե՛ր»:

Եթե լսում ես Աստծո խոսքերը և կատարում դրանք, ապա նման ես այն իմաստուն մարդուն, որն իր տունը վեմի վրա կառուցեց: Ջն կյանքն ամուր հիմք կունենա, և դու չես ընկնի, եթե փոքրիկներ սկսվեն, որովհետև Հիսուսն է ամուր վեմը:

Վեր. Հովսեփ Հովսեփյան

Մի՛ սիրեք աշխարհը

Ա <Նվհ. 2:15-17

Մի՛ սիրեք աշխարհը: Երեք բառ, որոնք բավարար են մեր մեջ տագնապալի մտքեր ու հույզեր առաջացնելու, մինչ Աստծո Հոգին կզննի յուրաքանչյուրիս միտքը, սիրտն ու կյանքի մնաթացքը: Երեք բառ, որն ամենազորավոր քարոզից էլ բարձր են խոսում: Դրանք հանդիմանում են և՝ շարքային հավատացյալին, և՝ հոգևոր փորձառու ծառայողին: Երեք բառ, որոնք լսելիս Աստծո առաջ կանգնելու մեր համարձակությունը խարիսխում է, մեր երեսը երկինք ուղղած ու ձեռքերը վեր պարզած աղոթելու խիզախությունը կորչում է, քանի որ բոլորս էլ թերացել ենք ու թերանում ենք այս պատվերը կատարելու հարցում:

Սենք ոչ միայն թերանում ենք, այլև կոպտորեն կոտրում ենք այն: Ամբարտավանությամբ Աստծո սրբության չափանիշը իջեցնում ենք՝ այն հավասարեցնելով մարդկայինին, անամոքաբար հաշտվում ենք այն մտքի հետ, որ հնարավոր է և բոլորովին ընդունելի է 21-րդ դարի քրիստոնյայի համար սիրել և՝ աշխարհը, և՝ Հորը: Սա մի բան է, որի հետ Հովհաննես առաքյալը կտրականապես անհամաձայն է: Նա ասում է. «Երեք մեկը սիրում է աշխարհը, Հոր սերը նրա մեջ չէ»:

Ո՞ւմ մեջ չկա Հոր սերը: Նրա մեջ՝

- ում հաճելի է այս աշխարհի համակարգը, դրվածքը, կարգութանոննը, սկզբունքները,
- ում հոգեհարազատ են այս աշխարհի հաճույքները, բարձունքները, փառքը, հարստությունը:

Հակոբոսը մի քիչ ավելի խիստ է ասում.

«Ով ուզում է աշխարհի բարեկամը լինել, ինքն իրեն թշնամի է դարձնում Աստծուն»:

Սենք կանչված ենք Աստծո բարեկամները կոչվելու:

Մի՛ սիրեք աշխարհը: Այնքան պարզ խոսք, որը հեշտ է մոռացվում

լսելու ականջ չունեցողի կողմից, բայց նա, ով ուզում է լսել ու իր անձը խոնարհեցնել, Աստծո առաջ շնորհը կգտնի, թեև երկար ժամանակ թողել է իր առաջին սերը ու աշխարհն է սիրել:

Շատերս երևի կմտածենք, որ այս խոսքը մեզ համար չէ կամ ընդհանրապես մեր եկեղեցուն չի վերաբերում: Բայց եկեք հիշենք Նաթան մարգարեի՝ Դավթին ասած խոսքը: Մարգարեն մի պատմություն էր պատմել Դավթին, որը բարկացրել էր նրան: Այդ բարկությամբ լցված՝ նա ուզում էր պատժել այն անձին, ով Նաթանի պատմության մեջ անարդար էր վարվել: Դավթի մտքով չէր անցել, որ Նաթանը այդ պատմությամբ հենց իրեն նկատի ուներ:

Մարգարեն, առանց բազավորից վախենալու, մի կարճ խոսք ասաց. «Այդ անձը դու ես»:

Դու քո մտքում մի՛ ասա՝ ես չես սիրում աշխարհը, մեռած ես աշխարհի համար, աշխարհն էլ քեզ համար: Ընդունի՛ր, որ աշխարհը լավ էլ ապրում է քո հաշվարկներում, առօրյայում, մտածելակերպում, փափազներում, սրտում:

Եթք անձդ քննես ու տեսնես, որ հաճախ վարվում ես կամ հավանություն ես տալիս աշխարհի մարդկանց վարվելակերպին կամ ձրգտում ես այնպիսի բաների, որոնց աշխարհի մարդիկ են ձգտում, ունեմն հաստատ իմացի՛ր, որ այս պատգամը քեզ համար է:

Խոնարհություն է պետք ընդունելու համար: Սակայն եթե Սուրբ Հոգին չլուսավորի մարդու միտքը, անձը չի տեսնի, որ իրականում ինքը սիրում է աշխարհը իր բոլոր գույներով ու երանգներով:

Իսկ ինչո՞ւ չեմ կարող սիրել և՛ Հորը, և՛ աշխարհը:

Ինչպես զինվորը չի կարող և՛ պաշտպանել իր հայրենիքը, և՛ միանալ թշնամուն իր հայրենիքի դեմ պատերազմելիս, նույնպես ես չեմ կարող սիրել և՛ Հորը, և՛ աշխարհը: Մեկը մյուսի հակառակն է: Դա կոչվում է դավաճանություն, ուրացում: Հոգևոր բառապաշարով ասած՝ ուխտադրժություն:

Պողոսն ասել է: «Ո՛չ մի պատերազմող իրեն այս կյանքի գործերի մեջ չի խճճում, որպեսզի հաճելի լինի նրան, ով իրեն ընտրել է զին-

Վոր լինելու համար: Եվ եթե մեկը մրցում է, պսակ չի ստանա, եթե օրինավոր չմրցի» (Բ Տիմ. 2:4-5):

Թող ոչ ոք չխարի ձեզ՝ ասելով, թե հոգևոր կյանքը ինչպես կուգես ապրի, միևնույն է, վերջում վարձը կստանա: Ինչպես մարզիկը պսակ չի ստանա, եթե օրինավոր չմրցի, թեկուզ և հաղթել է բոլորին, նույն կերպ էլ հավատացյալը վարձը չի ստանա, եթե իր երկրավոր կյանքն անցկացրել է մեկ Հորը սիրելով, մեկ՝ աշխարհը:

Իսկ ինչո՞ւ է Հովհաննեսը նման պատվեր տախս: Ընթերցված հատվածում երկու պատճառ է նշվում, բայց կարելի է որիշ պատճառներ ևս մեջբերել:

1. Քանի որ այն, ինչ աշխարհը մատուցում է, Հորիցը չէ:
2. Քանի որ այն, ինչ աշխարհից է, ժամանակավոր բնույթ ունի: Աշխարհն էլ կանցնի, նրա ցանկությունն էլ: Խելամիտ չէ ժամանակավորը սիրել ու բաց բողնել հավիտենականը:
3. Քանի որ մենք այս աշխարհից չենք:

Հովի. 15:19-ում Հիսուսն ասում է. «Եթե աշխարհից լինեիք, աշխարհն իրենը կսիրեր, բայց որովհետև դուք աշխարհից չեք, այլ Ես ձեզ աշխարհից դուրս ընտրեցի, դրա համար աշխարհն ատում է ձեզ»:

Իսկ Հովի. 17-ում 2 անգամ շեշտվում է նույն միտքը: Այն գրված է 14 և 16-րդ համարներում: Աշակերտների մասին խոսելիս Հիսուսն ասում է. «Նրանք աշխարհից չեն, ինչպես Ես աշխարհից չեմ»:

4. Քանի որ մենք պանդիխտ և օտարական ենք, ինչպես Պետրոս առաքյալն է ասում: Իսկ ի՞նչ եք կարծում, արդյոք խրայելացի քանի՞ ընտանիք կամ անհատ կնախընտրեր այլ ազգի միանալ և նրանց երկրում հաստատվել, եթե ճանապարհորդությունը ոչ թե անապատի միջով լիներ, այլ գյուղերի ու քաղաքների, որտեղ քնակիչները թշնամաբար չեին վարվի իրենց հետ: Կարծում եմ՝ շատ շատերը Մովսեսին ու Ահարոնին կասեին. «Մենք կաք ու մեղք բխող երկիր չենք գնա: Մեր աչքերը տեսան այս գեղեցիկ արոտավայրերը, շինությունները, բարեկիրք, մարդասեր, արդար, բոլորի կարծիքներն ու կրոնները ընդունուղ մարդկանց, ուստի այստեղ կմնանք»: Այո՛,

աշխարհը իր գույնզգույն հրապույրներով կարող է մեզ գրավել, բայց մենք պետք է զգաստ լինենք ու հիշենք, որ մեր հայրենիքը երկինքն է:

Ուստի, սիրելի՝ հավատակիցներ, հիշենք Հովհաննես առաքյալի այս պարզ պատվերը ու ամեն օր կիրառենք մեր կյանքում, մինչև որ մեր Տերը երևա ու ասի. «Ապրե՛ս, բարի՛ և հավատարի՛ն ծառա»:

Վարդան Սարգսիսյան

Մովսեսի անհաջողությունները

Ելից 4:26–5:23

Մովսեսը պատրաստվեց Եգիպտոս վերադառնալու. նա վերջապես ուզում էր Աստծո կամքը կատարել: Այնուամենայնիվ, հետաքրքրական է իմանալ, թե ինչ մտքեր է ունեցել: Կոնկրետ ի՞նչ կակընկալեր նա: Որքանո՞վ էր նա հասկանում Աստծո այն արտահայտությունը, որ փարավոնը բույլ չի տա ժողովրդին գնալ:

Երբ ամեն ինչ սխալ է ընթանում

Սկզբում թվում էր, թե ամեն ինչ լավ է ընթանում: Ահարոնը հանդիպեց Մովսեսին, ինչպես որ Աստված էր պատվիրել: Նրանք միասին հանդիպեցին խրայելացիների երեցներին, ովքեր ողջունեցին այն լուրը, որ Աստված պատրաստվում է օգնելու Իր ժողովրդին: Հետո անհաջողություններ եղան: Ինչպե՞ս ենք արձագանքում, երբ ամեն ինչ ըստ ծրագրի չի ընթանում:

Մտածե՛ք պատահածի մասին: Թեև Խրայելի երեցները ուրախ էին Մովսեսի խոսքերից, փարավոնը, անշուշտ, այդպես չէր: Երբ Մովսեսն ու Ահարոնը գնացին նրա մոտ՝ Տիրոջ հրամանով, որ նա բաց թողնի խրայելացիներին, նա հարցրեց, թե ո՞վ է Եհովան: Նա ոչ միայն հարցրեց, թե ով է Աստված, այլև ասաց, որ բույլ չի տա Խրայելին գնալ:

Փոխարենը՝ փարավոնը դժվարացրեց ստրուկների կյանքը: Նախկինում նրանց տրամադրվում էր աղյուս պատրաստելու համար անհրաժեշտ ծղոտը, այժմ նրանք պետք է գտնեին դա և նույն չափաբաժինն արտադրեին: Երբ իսրայելացիները ծեծի ենթարկվեցին օրական չափաբաժին չներկայացնելու համար, նրանք շուտով պարզեցին, որ փարավոնին բողոքելը ոչ մի արդյունքի չի հանգեցնելու: Նա մեղադրում էր նրանց ծովության մեջ և մտադրություն չուներ հեշտացնելու նրանց կյանքը:

Իսրայելացիների երեցները գաղափար չունեին Աստծո և չար ուժերի միջև պայքարի մասին. նրանք պարզապես տեսնում էին, որ իրենց ստրկությունն ավելի դաժան էր, քան նախկինում էր: Նրանք մեղադրեցին Մովսեսին ու Ահարոնին իրենց անախտրժությունների համար:

Մովսեսի արձագանքը

Մովսեսը չգիտեր, թե ինչպես վարվել իր առջև ծառացած խնդրի հետ: Փաստորեն, նա ասաց Տիրոջը, որ արել է այն, ինչ իրեն ասվել էր անել, և ամեն ինչ ավելի վատ դարձավ, քան նախկինում էր:

Նա հարցեր տվեց. ինչո՞ւ մեզ նեղություն մեջ գցեցիր: Ինչո՞ւ ես ինձ ուղարկում: Դա արեցիր, որպեսզի ձախողվե՞մ: Մովսեսը չտեսավ (հաճախ մենք նույնպես) Աստծոն և Նրա զորքերի ու չար ուժերի միջև շարունակական պայքարը: Սա պատահեց Հովսեփի հետ: Փարավոնի ծառայի երազը բացատրելուց հետո նա նրան ասաց.

«Բայց ինձ հիշի՛ր, երբ քեզ համար լավ լինի, խնդրում եմ, ինձ էլ լավությո՞ւն արա և ինձ հիշի՛ր Փարավոնի առաջ և ինձ հանի՛ր այս տնից. որովհետև իրապես գողացվել եմ երրայեցիների երկրից և այստեղ էլ մի այնպիսի բան չեմ արել, որի համար ինձ այս զնդանը նետեին» (Ծննդ. 40:14-15):

Բայց Հովսեփը չստացավ այն օգնությունը, որին սպասում էր: Այնուհետև, երբ փարավոնը տեսավ իր երազները, Հովսեփին բանտից կանչեցին՝ թագավորի անմիջական խորհրդատուն լինելու համար:

«Համենայն դեպս, սով քերեց երկրի վրա, կոտրեց հացի ամբողջ զորությունը: Նրանց առջևից մարդ ուղարկեց՝ Հովսեփին, որ ծառայության ծախսեց: Նրա ուղքերը կապաններով ցավեցրին, նա երկարի մեջ դրվեց՝ մինչև այնքան ժամանակ, երբ Նրա խոսքը եկավ, Տիրոց խոսքը փորձեց նրան: Թագավորն ուղարկեց ու արձակեց նրան, ժողովուրդների վրա տիրողն ազատեց նրան: Իր տան վրա տեր դարձրեց նրան և իր ամբողջ ունեցվածքի վրա՝ իշխան. որպեսզի նրա իշխաններին իր կամքի համաձայն կապի ու նրա երեցներին իմաստություն ուսուցանի» (Սաղ. 105:16-22):

Միայն տարիներ անց, երբ Հովսեփը վերամիավորվեց իր եղբայրների հետ, կարողացավ ասել, որ այն չարիքը, որը նրանք նախատեսել էին, Աստծո կողմից ծրագրված էր բարու համար: Միայն փորձություններից հետո Հովսեփը կարողացավ տեսնել Աստծո գերիշխող ձեռքը:

Դավիթը ևս մեկ օրինակ է, ով ընտրվել էր Աստծո կողմից և հետո ստիպված էր սպասել, մինչև Սավութի մահանալը: Որքա՞ն հաճախ էր Դավիթը մտածում, թե ինչու է ինքը անապատում թաքնվում: Այնուամենայնիվ, հենց այնտեղ նա շատ մոտիկից ճանաչեց իր Աստծուն: Այնտեղ նա նաև սովորեց դեկապարել տարբեր բնավորության տեր տղամարդկանց:

Մինչ անցնում ենք դժվար ժամանակներով, հաճախ չենք տեսնում այն ընդհանուր ծրագիրը, որն Աստված ունի մեզ համար: Մենք չգիտենք այն ուղին, որը Նա ծրագրել է, որը մեզ ավելի կմոտեցնի Իրեն: Երբեմն Նա կարող է բացահայտել, թե ինչու են որոշ բաներ պատահում. Նա դա արեց Պողոսին՝ մարմնի փուշ ուղարկելիս: Բայց հնարավոր է՝ մինչև ամեն ինչ ավարտելը մենք չգիտակցենք, թե ինչ է Աստված ծրագրել:

Ինչպե՞ս կարձագանքեինք

Հովսեփը ճիշտ դիրքորոշում բռնեց: Մեզ համար հարցն այն է, թե արդյոք մենք համբերությամբ կսպասեի՞նք, որ Աստված անի այն, ինչ Ինքն է ուզում անել: Յավոք, հաճախ անհամբեր ենք՝ ակնկալելով, որ Աստված անմիջապես փոխի իրադարձությունները:

Մովսեսը բողոքում է

Մովսեսը չէր հասկացել, որ Աստված գիտեր ապագայի դեպքերը, երբ ասաց, թե վստահ է, որ փարավոնը չի արձակի ստրուկներին: Այնուամենայնիվ, փարավոնը վերջնական իշխանությունը չէր, թե՛ ինքը, թե՛ Մովսեսը իմանալու էին, որ Աստված վերահսկում է և ստիպելու է փարավոնին հնազանդվել Իր հրամաններին:

Մովսեսն իր ժողովրդի երեցների կողմից նախատվելուց հետո վեհադարձավ Տիրոջ մոտ՝ իր բողոքները ներկայացնելու համար: Նա մտածում էր իսրայելացիների առջև ծառացած լրացուցիչ խնդիրների մասին և հարցրեց, թե ինչո՞ւ Աստված իրեն ուղարկեց փարավոնի մոտ: Փարավոնը ոչ միայն մերժել էր իսրայելացիներին արձակել, այլև ավելացրել էր նրանց տառապանքները, իսկ Աստծոն կողմից Իր ժողովրդին ազատելու ոչ մի նշան չկար: Թվում էր՝ Մովսեսն ուզում էր ազատվել իր հանձնարարությունից:

Աստված վերահսկում է

Այնուամենայնիվ, Աստված մտադրություն չուներ Մովսեսին փարավոնի հետ խոսելու իր պարտականությունից արձակել, ոչ ել քոյլ էր տալու, որ փարավոնը շարունակեր չհնազանդվել Իրեն: Փարավոնը կարող էր փորձել ուժով պահել իսրայելացիներին, բայց ի վերջո նա նույնքան ուժգին կիրամայեր նրանց հեռանալ իր երկրից:

Նախ՝ Աստված Մովսեսին հիշեցրեց, թե ով է Ինքը: Նա ասաց «Ես եմ Յահվեն» (սովորաբար բարգմանվում է որպես ՏԵՐ՝ ուխտ պահող Աստված): Նա էր, ով հայտնվեց Աքրահամին, Իսահակին և Հակոբին, որպես ամենակարող Աստված՝ Էլիհիմ Շադրայ՝ ամենակարող Աստված: Սակայն Եհովա, Տեր անունով Նա չհայտնվեց նրանց: Այժմ Նա պետք է ավելին բացահայտեր Իր անվան նշանակությունը:

Աստված արդեն Մովսեսին հայտնվել էր որպես Յահվե՛ Տեր: Աստված ընդգծել էր Իր անվան մի կողմնը. Նա հավերժ գոյություն ունեցողն է՝ ԵՍ ԵՄ-ը: Նա է, ով կա և եղել է և երբեւ կլինի: Այժմ Տերը ավելացրեց Մովսեսին ուղղված Իր հայտնությունը՝ հիշեցնելով նրան, որ Ինքը ուխտը պահող Աստված է: Նա Իր ուխտն էր հաստատել Աքրահամի, Իսահակի և Հակոբի հետ՝ խոստանալով նրանց տալ Քանանի երկիրը, որտեղ նրանք ապրում էին որպես պանդուխտ: